

ATENTATUA DONOSTIAN. Jaurlaritzari «normaltasuna» bermatzeko neurriak eskatu dizkio

Banco Guipuzcoanoko buruak «banka Euskadin Borneon bezala» dagoela dio

Kontzentrazioa egin zuten banketxeko langileek eta hainbat politikok, atentatua gaitzesteko

Erredakzioa | **DONOSTIA**

Berrehun bat pertsona elkartu ziren atzo eguerdian, Donostia-ko Portuetxe kalean, Banco Guipuzcoanok duen eraikina-
ren aurrean, bezperan izandako atentatua gaitzesteko. ELAk deituta, banketxeko langileak, politikoak, eta sindikatu-
etako ordezkariak bildu ziren kontzentrazio isilean.

Banco Guipuzcoanoren eraikin aurrean Eusko Jaurlaritzako bozeramaile Josu Jon Imaz, Gipuzkoako Batzar Nagusietako presidente Iñaki Alkiza, Koruko Aizarna bozeramaile eta hainbat batzarkide, Eako diputatu Begoña Lasagabaster, PPko senadore Gonzalo Quiroga eta EAEko UGTko idazkari nagusi Carlos Trevilla izan ziren, besteak beste, atentatua jasan zuen banketxeko langileen ondoan.

Banco Guipuzcoanoko presidente Jose Maria Agirrek, langileek izandako jarrera «bikaina» nabarmendu zuen, bonba-autoa lehertu arren, lana ohi bezala egin baitzuten: «Lanera airean atera zaitezkeela pentsatuz joatea, zentzugabea da», esan zuen Agirrek.

Etorkizun hurbilean Euskal Herrian «normaltasunez» bizi ahal izateko itxaropena agertu zuen Banco Guipuzcoanoko presidenteak. Eusko Jaurlaritza aurki eratzekoa dela eta, Gasteizko Gobernuak «herritarren atxikimendua» duela esan zuen Agirrek. Eskaera zehatza ere egin zion Ibarretxeren gober-

Banco Guipuzcoanoren eraikin aurrean atzo eginiko kontzentrazioa.

JUAN HERRERO / EFE



ESANAK

JOSE MARIA AGIRRE (Banco Guipuzcoano-ko presidentea)

«Lanera airean atera zaitezkeela pentsatuz joatea zentzugabea da»

«Oso zaila da Euskadin banku-jarduera; ia-ia Borneoren pare gaude»

«Indarkeria aurki gaintitu ahal izango dugula iruditzen zait»

nuari: «Neurri egokiak har ditzala eskatu nahi diot, gauzak denok nahi dugun normaltasunarekin egin ahal izateko».

Banketxearen eraikin aurrean lehertutako bonba-autoa go-goan, «Euskadin banku-jardueran aritzea oso zaila» dela esan zuen Banco Guipuzcoanoko presidenteak: «Ia-ia Borneoren pare gaude, han gerta bailitezke horrelakoak, baina Europako herrialdeetan ez. Eta hemen ere ez lukete gertatu behar, bakean bizi nahi baitugu guztiok».

Atentatu egileak «hiltzaileak» direla erantsi zuen Agirrek,

«langileak bulegoetan zirela jakinarene gainean leherrarazi baitzuten bonba-autoa». Hala ere, «kaltea eragiten dutenak oso gutxi» direla esan, eta «aurki indarkeriaren arazoa gaintitzeko itxaropena» azaldu zuen.

Eraikineko fatxadak «kalte handiak» jasan dituela erantsi zuen Banco Guipuzcoanoko presidenteak, baina egiturak ondo eutsi diola, eta bertan jarratu ahal izango dutela. Ez dute kalteen zenbatekoa oraindik zehaztu, baina «100 milioi pezeta baino askoz handiagoa» izan dela nabarmendu zuen.

Imaz, ETari azalpen eske

Josu Jon Imaz, bestalde, EAEko lehendakariaren izenean atentatua gaitzetsi eta kaltetuei elkartasuna adierazi ondoren, ETari zuzendu zitzaion: «Zer azalpen emango die ETak beren bizia arriskuan ikusi zuten langileei?», galdetu zuen Eusko Jaurlaritzako bozeramaileak.

ETak euskal gizartearen borondatea eta hitza mesprexatu egiten duela esan zuen Imazek: «Indarkeria soberan dagoela argiro esan dio, baina ETak entzungor jarraitzen du».

UDALBILTZA

Iruñean EHNA egiteko ekimena abiatuko dute, Udalak bulegorik baliatu ez arren

Irene Arrizurieta | **IRUÑEA**

Iruñeko Udalak Euskal Herriko Naziotasun Aitormena (EHNA) tramitatze-ko eta egiteko bulegorik baliatu ez izana salatu zuen atzo Udalbiltzak.

Herenegun Iruñeko plenoak atzera bota zuen EHk EHNA egiteko aurkeztu mozioa. Proposamenak aldeko 6 boto izan zituen (EH eta Batzarre), eta aurkako 19 (UPN, PSN, CDN eta IUN-NEB). Ainara Armendariz EHko zinegotziak plenoak mozioa ez onartzeaz gainera, «eztabaidatu ere ez izana» salatu zuen.

Hala ere, eskaera beste bide batzuetatik egiten saiatuko dela adierazi du Udalbiltzak. «EHNA lortzeko ez da aldarrikapena soilik egin behar. Herriarren eskubidea dela garbi planteatu behar da, eta herritarrak direla protagonista», azpimarratu zuen Oskar Goñi Berako zinegotziak.

Nafarroako hiriburuko Udalak EHNA egiteko lekurik baliatuko ez duela jakinda, Udalbiltzak jada hartua du horretarako tokia. Hala ere, Udalarekin gehiago saiatu arte ez dutela kokapenaren berri emanen esan zuten.

Bestalde, EHk eta *Bai Euskal Herriari* ekimenak, Iruñeko Udalak gizartearen zati bati «bizkarra» ematen ari zaiola salatu dute. Taldeok EHNA eskuratzeko eskaera egitera atzo Udalera hurbildu ziren iruindarrei emandako tratamendua ere deitoratu zuten. EHNA eskatzera 12:00etan joan zirenak Udaletxeko ateak itxirik aurkitu zituzten.

Irakaslegaiantzako Glodidaktika Ikastaroa

- Irailaren 3-19
- Matrikula epea: uztailaren 20 arte
- Kopuru mugatua

Informazioa:
Aratz euskaltegia
Adriano VI, 18
945 154341



Gasteizko IKA

ZORIONAK !!

Unibertasitaterako Hautaprobak (Selektibitatea)
lortu duzuen **ARRAKASTAGATIK.**
DENOK GAINDITU DUZUE!!



AITA LARRAMENDI IKASTOLA
- ANDOAIN -



HERNANIKO UDALA

OHARRA

Jendeari jakinarazten diogu jarraian aipatzen diren tasa eta zergak hauek ordaintzeko epea ondorengo egun hauetan amaitzen dela:

- Ondasun higiezin (hirilurreko zein landalurrekoen) gaineko zergaren dagozkien ordainagiriak: 2001eko uztailaren 2an.
- Ura-estolderia (2001- 1. hiru hilab): 2001ko uztailaren 6an.

Era berean, helbideraturik dauden errezipiak epearen azken egunean kobratuko ditugu.

Ordaintzeko abisurik jaso ez dutenek, HELBIDERATURIK GABE DAUDENAK, Zerga-bilketako bulegora etorri behar dute (Udaletxeko 1. solairuan, eskuinaldean) epe horiek amaitu aurretik eta bertan ordainagiriaren kopia bast emango diegu dagozkion ordainketa egin dezaten.

Hernanin, 2001ko Ekainaren 21ean. Zergabiltzaileak.